

盧忠肅公集



明大司馬盧公集卷之七

宣雲奏議目錄

確議修築宣邊疏

標兵如數募完并題營官疏

回奏覈實邊備疏

議防剿機宜疏

選用奇兵疏

起解罪帥疏

類報宣邊夷情疏

覈實三鎮邊備疏

明大司馬盧公奏議

卷七

目次

籌議用赦款卜疏

再陳卜哈情形疏

再陳屯牧事宜疏

請停禁止樵採疏

遵旨照款再奏疏

塘報緊急口情疏

標旅分防南山疏

南山修築墩臺疏

邊情疏

請申飭官弁規卸處分疏



乞撫馭滇兵疏

邊情疏

請監軍監紀疏

題敘募練標兵官員疏

再陳撫馭滇兵事宜疏

明大司馬盧公

卷七 目次

二



請位茶止難採疏

再則撫馭滇兵事宜疏

題敘募練標兵官員疏

請監軍監紀疏

邊情疏

乞撫馭滇兵疏

明大司馬盧公奏議卷之七

宣雲象昇建斗著

會稽後學施惠重刊  
同里後學李庚校字

宣雲奏議

確議修築宣邊疏

題爲宣疆飭備方殷宣邊興築匪易折衷羣議特請明  
綸權緩急以務要圖酌盈虛而籌實效事臣維九邊大  
勢莫危於宣雲亦莫重於宣雲而宣疆之更急於大同  
山西以密邇陵京也從前當事諸臣請兵請餉請修築  
章滿公車卽臣受任以來五閱月爾監撫按諸臣所陳

明大司馬盧公奏議

卷七

一

戰守兵食邊垣墩臺諸疏節奉明旨命臣等確議仰見  
皇上焦勞若此凡屬臣子可不盡心力以爲之乎顧籌  
邊事理不惟當盡心力而尤宜盡言蓋天下事非一家  
私事如封疆利害未經剖晰詳明終難下手目前重大  
艱難無若修邊一事謹照本年二月初五日該薊遼督  
臣張福臻會同臣等題爲恭報再勘陵邊情形仰聽聖  
裁事奉旨據奏會勘陵邊情形雄漢嶺至川草花頂係  
龍脉旺氣所鍾不宜修築其三口築臺旣稱無礙著該  
部科看議卽日具覆宣邊修牆事宜該督監撫詳畫速  
奏欽此本月初十日又該兵部覆議前事奉旨宣邊修

築工費是否卽能就緒三口築臺旣稱無礙還著該督監一併酌議速奏欽此該臣抄旨移會監撫內開案照修築宣邊除先經移文確議外明旨一則曰宣邊修墻事宜該督監撫詳畫速奏再則曰宣邊修築工費是否卽能就緒仰見聖心淵遠睿慮精詳本部院與總監撫院分監誼在同舟自當上體宸衷從長確酌刻期會奏彼此政如一身一家幸各盡所見多方籌議會示以便繕疏入告庶幾於明綸有當也移會去後准昌宣總監臣魏國徵回文內言三口原係宣邊之內宣邊不足恃則三口築臺拒之於內亦係急著今旣議修築宣邊此時物力俱詘恐不能一時兩工並舉也至於工費一節屢煩聖慮則宣鎮之民窮財盡不能刻期就緒已早在聖明睿鑒中矣或照前議沿邊修築墩臺使駐防兵丁就便濬溝壘墻得以畫地而守然後併力再築邊墻亦急則治標之意也等因回覆到臣又准宣府撫臣劉永祚回咨內言宣疆多事修邊工費浩繁轉盼春深口馬豈能待竣邊疆之臣思所以固吾圉者不敢曰不修亦不敢曰大修惟酌量於衝緩之間缺者補之傾者培之疏者密之而又以人爲守庶幾用力少而成功速也等因又准分守監臣鄭良輔王夢弼各手本內云三口築

臺係昌鎮禦險之近著昌邊修臺爲宣鎮扼要之遠圖其間工費之繁簡就緒之難易貴部院所深悉者統希裁酌入告施行等因各備咨到臣該臣等會看得修築宣邊係故督梁廷棟舊撫張維世先後疏陳總自封疆起見倘物力豐盈刻期舉事早一日鞏一日之金湯此邊臣所願叩聞以請者也然約略計之姑勿論宣大山西三鎮二千三百里之邊亦勿論宣府一鎮一千三百里之邊卽就宣鎮陵後一帶而言東至火焰山西至合河口凡二百二十餘里若紆迴曲折因高就險以議興工幾於三百里籌其經費每築邊牆一丈雖甚省約須

工料食米等銀五十兩其中或有舊牆垣并亂石土垣可因通融計算每丈必須銀三十兩通計三百里總該銀一百六十二萬兩加以三里一墩五里一臺計墩一百計臺六十墩以土爲之每座約二百金臺以甌石爲之每座約六白金并墩臺守禦等具壕塹等類又約該十餘萬兩此修築陵後宣邊之大約也數月以來臣等隨時隨地商推諮詢其經費實實如此卷查故督梁廷棟再陳安邊定論一疏所會計工程謂止須市斗米二十三萬四千零及鹽菜銀一十五萬六千零蓋止就調取各省直班軍而言也止就班軍調到計口工作而言

也今海內多事各班軍遠在數千里外逃故者老弱者與夫頂替而影占者在本處俱有其冊無其人有其名無其實一經調動逃故者須清勾老弱者須汰易頂替而影占者須從根徹底窮究追尋此非經年不可夫然後編伍就途陸續赴邊戍築出門卽枵腹待哺仰給公儲此又在前數之外矣且食米一項取之漕糈則運價等於米價計二十三萬四千之數尙需轉運銀二十三萬餘兩取之本地則宣雲斗米二錢五分亦需銀五十七萬餘兩并原議鹽菜銀一十五萬六千餘兩其該銀七十二萬餘兩而甄灰木料不與焉若併甄灰木料及

明大司馬盧公奏議

卷七

四

班軍在路行糧與夫僱覓工匠等項計之視此又將一倍合以墩臺諸費比前一百六十二萬之數亦略相當不惟是也從三百里之宣邊以及一千三百里并及大同山西之一千里塞馬驕嘶隨地可入統計三鎮長邊凡二千三百里若於三百里則議築於二千里則仍遺終不可謂之有邊也如併二千里而築之則經費一百六十二萬之外尙需一千餘萬方稱全築全修遐考蒞門三協延長不及千里一應邊垣墩臺先臣戚繼光經理其事曾費過一千一百餘萬彼時物力十倍今日彼地山險十倍宣雲是以克底成功一勞永逸以今視昔

以此視彼何啻逕庭不惟是也增一丈邊卽須增一二人以守增一座墩卽須增四五人以守增一座臺卽須增五六人多則十數人以守臣等徧閱邊軍現在之臺墻墩堡守禦尙苦無人卽有其人率皆鵠面鳩形苟延殘息今將棄舊臺墻并棄舊臺墻之軍以哺新軍乎抑使新舊軍分食此每月七八錢之餉且望之於積欠五六月之餘以求活也細查崇禎九年四月內兵部奉有明旨將修邊事宜發單會議內該吏部有云公私交困時絀舉贏於此時講生財之策興固圉之工臨渴掘井尤難之難等語又該刑部有云宣雲孤懸塞外屢經大

口蹂躪邊備積弛今議築墻砂漠之中界址果否堅實版築之際口氛保無侵擾落成之際果否堪作長城等語又該通政司有云千里長邊一處得入全墻無用勢必至於嬰城則修邊又爲徒費等語大理寺有云所不可知者一墻之隔果否可限口騎一年之修果否可保數年等語又該太僕寺有云今日制口上策只在辦得一戰有戰將有戰兵便可北卻之使不敢南向牧馬等語又該六科有云通計各鎮畚鍤之役所需輓料石灰工食犒賞等費不下千萬等語又該十三道有云數千里長邊一處不密則遠近皆瑕戶工兩部當費千萬不



止計日致期必須儲材備粟旋用旋給然後可以集夫衆而使之并力合作以成美功等語而兵部會看語有云一鎮瑕三鎮皆瑕築則俱築不宜偏遺宜處足錢糧而後興工非興工而後議處錢糧等語再查原疏欽奉旨修邊會議旣稱時詘勢難舉羸措費又多窒礙著督臣從長確酌併修膏營城與相險先築及每歲增修事宜通行覈議具奏欽此欽遵在案崇禎九年六月丙故督梁廷棟通行三鎮撫臣會議去後迄今苦無成算臣等受任於大口進口之時邊庭危窘之際驚心往事蒿目時艱方當瀝血籲天求大餉大兵大興築爲所欲爲

百凡應手上以奠朝廷之封疆而下以自全其性命乃前人長慮遠計如此何惜頂踵急與圖成而揆時審勢原始要終更以緩急盈虛籌滿盤之大局不敢不明白贅說恭聽聖裁目前姑置三鎮長邊而止言陵後宣邊如戶工兩部不拘何項錢糧約可先措本折百萬卽不難下手經營若猶未也不必問後來之物力能繼與否及修築工程是否一兩年可竣併工程告竣之後作何添兵戍守有無額餉養兵而此際先窮於下手矣前此在事諸臣低回卻顧不敢言修又不敢言不修者無非謂關係重大利害切身以致章奏徒煩茫無定局臣等

竊謂封疆之吏身在局中諸凡軍國大計當求實地工夫可行卽行應言卽言避忌之念不宜存也至於昌邊三口築臺薊昌督治監軍臣已有成畫宣鎮應添烽臺及應修墩堡臣等業相與竭力圖之然而錢糧無可那動事勢處其極難要在隨宜料理次第經營不敢以空言塞責總之今日喫緊關頭應急者數惟有鼓練戰兵酌添防兵與夫設防按伏扼要出奇經費省而緩急可恃者殫精以從事焉斯爲得力此當專本詳奏未能一疏縷陳臣等血忱止此臆見止此伏乞皇上再敕在廷諸臣從長定議以聽該部確覆施行謹題

明大司馬盧公奏議

卷七

七

崇禎十年四月初六日

臣等竊以昌邊三口築臺薊昌督治監軍臣已有成畫宣鎮應添烽臺及應修墩堡臣等業相與竭力圖之然而錢糧無可那動事勢處其極難要在隨宜料理出奇經費省而緩急可恃者殫精以從事焉斯爲得力此當專本詳奏未能一疏縷陳臣等血忱止此臆見止此伏乞皇上再敕在廷諸臣從長定議以聽該部確覆施行謹題

標兵如數募完并題營官疏

本年三月內五千標旅已經如數募完邇自正月初間該戶部覆准標餉隨奉有上緊募練之旨爲時實未及三月也宣雲地曠人稀軍貧餉薄四方勇健望而裹足土著之堪用者更復寥寥以是募兵難募兵於今日更難募兵於今日之宣雲尤難之難且查往例凡邊方各鎮募練營兵皆有安家行糧衣裝等費而臣未敢請也皆有年例馬價犒賞等銀而臣未敢請也數月來設法鼓勵隨方料理逐事支持親督道將廳官驗軍馬製器械覈錢糧復廣示招來嚴加選閱隨到隨收隨收隨練

明大司馬盧公奏議

卷七

八

孰宜於馬孰宜於步孰宜於大小火器孰宜於弓矢刀鎗以至衣甲器具皆臣所經目經心者三鎮土著居十之三山陝關寧健卒居十之七其中有類市井游棍則汰之有類串營猾軍則汰之有年未二十以上則汰之有年過四十以外則汰之有身軀高大而臃腫癡肥則汰之有膂力雖充而眼無神面無骨則汰之其已招而復汰者遠則數千里近亦數百里來時給以行糧去亦量與路費使之便於回籍不至流聚一處致生他端現在著伍者雖不足當貔虎之稱而緩急頗堪效用本年四月初一日據中營總練副總兵官白安冊報本營官

兵新奉經制額該一千九百員名今自崇禎九年十二月起至十年三月終止已如數募完訖額外尙多官兵五十四員名又據左營參將劉欽右營參將馮舉各冊報兩營官兵原奉經制額該官兵各一千九百員名今於本年三月終止已俱如數募完訖又據前營參將朱尙義冊報本營官兵原奉經制一千九百員名今於本年三月二十八日止已俱如數募完訖額外尙多官兵三十七員名又據後營參將岳維忠冊報本營官兵新奉經制額該一千九百員名今俱如數募足額外多兵丁三十三名又據署中軍副將劉邦域冊報標下隨征

明大司馬盧公奏議

卷七

九

聽用遊都守備旗牌將材等官并抄案吏新奉經制其額該六十五員名執事標兵并馬騾雜役等軍新奉經制共該三百三十五名中軍旗鼓參遊都守等官軍伴書識雜役額該一百名今實在官吏兵丁五百一十二員名各具結冊報到臣以上通計新舊官兵額該一萬員名現在一萬一百三十六員名其募到卽選汰發回者俱未經開載此標兵募足之數也至錢糧款項前疏已條分縷晰一一奏明五營將領亦經題奉欽依在案惟坐營千把等官例該臣衙門自行選委非繇部推似不宜瑣煩聖聽然坐營管一營之傳宣千總係千人之

司命卽把總亦五百人之長也必使其職名得達御前而委任仍經部覆庶爭相奮勵更倍往時五營坐營官各一員五營千總官各二員五營把總官各四員五營塘撥千總官各一員俱照前督臣楊嗣昌所定經制行之蓋營官最忌煩雜故以簡爲貴爾查得節制中營坐營係現任加銜守備劉家聲本弁素有功績才具亦歷練老成無忝厥任但中營將領旣係總練副總兵職銜則中營坐營亦須與別營稍有區別應加都司僉書管坐營守備事若以加銜守備處之不無躡等新調到欽依守備加銜都司李友竹謀勇騎射事過人應量加

明大司馬盧公奏議

卷七

十

實授僉書以補前缺劉家聲另用左營現任坐營加銜守備陳植右營現任坐營加銜守備張國相前營新任坐營陽和衛指揮孫芳後營新任坐營實授守備蔣正秀以上四員弓馬才略俱優俱應以實授守備分管四營坐營事又中營左部現任千總史直右部現任千總常萬邦現管塘撥千總劉啟旺左營左部現任千總朝東帶右部現任千總馬振麟現管塘撥千總孫天德右營左部現任千總海守福右部現任千總花永馥現管塘撥千總馬龍前營左部現任千總吉應龍右部現任千總李國勝現管塘撥千總侯英後營左部見任千總

尹勇右部實授守備管千總事邱登元現管塘撥千總  
高維曜以上十五員或騎射習閉或火器熟諳俱各堪  
任內朝束帶常萬邦歷有戰功營伍宣勞日久宜加實  
授守備管千總事并邱登元原係實授守備暫管千總  
此三弁者俟有功績另有題陞其餘十二員仍照以千  
總待練兵禦口再有實功方行題授守備朝廷名器不  
可濫也中營前司把總高勇左司把總謝登選右司把  
總葉漸開後司把總賀昇左營前司把總管太左司把  
總朱國樑右司把總滑國材後司把總賈國愛右營前  
司把總羅鴻逵左司把總王登先右司把總常守泰後  
明大司馬盧公奏議

卷七

十一

司把總劉英前營前司把總趙登左司把總韓應舉右  
司把總吉成芳後司把總王無敵後營前司把總郝守  
智左司把總楊宏泰右司把總何興後司把總曹世望  
以上二十員亦皆挽強衝鋒之選經幾推敲而定者標  
營千把總隨時委用向不具題今具題自臣始總之出  
自慎重之本心於以昭功令示激揚也懇惟皇上敕下  
兵部覆定施行謹題

崇禎十年四月初七日

回奏覆實邊備疏

四月初七日准兵部咨該本部尙書楊嗣昌題前事臣  
楊博奏議臚列大端

云

奉旨著各該督撫鎮逐一確

實條晰依限速奏等因備咨到臣除飛移三鎮撫臣及  
各總兵官各自確實回奏仍各報臣覆覈類奏外所有  
微臣訓練戰守及調度應援理合先行馳奏謹照口得  
志於鮮其膽益肆諸邊士馬皆非其敵也若堂堂正正  
與之對壘爭鋒勝數止於十一年來援剿官兵望塵而  
避業有明徵至宣大山西無邊牆可恃無天險可憑守  
法愈難必須言戰而戰豈易言哉臣是以拜命之初卽  
明大司馬盧公奏議

卷七

三

以練兵爲第一義然兵有九等如萬人中有八千堪戰  
者爲上上等七千爲上中等六千爲上下等五千爲中  
上等四千爲中中等三千爲中下等二千爲下上等一  
千爲下中等計萬計千無一堪戰者爲下下等臣標新  
舊馬步官兵以目前論差可謂中上等矣再練半年卽  
不敢言上上亦可至上中臣之練法又分爲五等規則  
正二三月已頒初次規則今前後兩四月復頒二次規  
則自本年五月至十月當續頒三次四次五次規則以  
漸而進繇淺入深蓋近代將官置兵法不講久矣是弗  
可文文弗省也是弗可驟驟弗達也况臣標營部曲中

多夷丁及邊鄙推魯之夫尤費指點臣所頒初二次練法率皆粗淺規模未足以瑣塵聖聽止列款抄謄咨送兵部候樞臣參酌釐正之樞臣久歷中外見聞學識非臣所及不能不虛心以奉教耳臣部署三鎮兵馬俱荷聖明鑒納部覆申明惟是應援一節臣前疏曾請躬率宣雲諸帥獨當一面專爲陵京而言樞臣謂止當保固陵京防護南山不得輕易西馳致失東備似亦不謀而合若三鎮撫標如何戰守應援一聽各撫臣自出方略待其會稿到臣有應商推調劑者臣當平心虛心實心以相爲謀爾至三鎮總兵官兵各一萬其實實堪戰者

明大司馬盧公奏議

卷七

三

的有若干業飛檄催取大帥甘結仍照臣先議前茅中權後勁三令五甲之并將臣標五營將領亦取軍令狀另本回奏總之微臣所處之地有危無安所當之局有任無讓荷蒙皇上俯憐任事癡腸洞悉危疆兵寡特增五千標旅稍壯軍聲臣惟夙夜在公思得一當以報然二千三百里長邊皆臣一身責任卽論目前兵力猶然不及他鎮十五難易之局非可與他邊較量者此在樞曹但將九邊兵馬錢糧地勢物力通盤打算情形自迴然也臣條答尙多恐字額踰限故先通梗概俟撫鎮咨詳至日再加確實詳晰以聞懇祈聖明鑒察謹奏



崇禎十年四月十一日

明大司馬盧公奏議

卷七

十四



崇禎十年四月十一日

議防剿機宜疏

臣於四月初七日接到兵部咨文爲覈實邊備預整防  
援請旨責成立等回奏事奉旨著各該督撫鎮逐一確  
實條晰依限速奏等因欽遵備咨到臣隨於本月十一  
日具疏回奏先陳大端督屬遼遠所有共事撫鎮諸臣  
近者三四百里遠者千餘里諸凡徑奏會奏事宜須各  
有一番籌畫臣且旦夕望之矣願臣叨督三方不論大  
將裨將戰兵守兵亦不論遠邊近邊地夷地險皆須參  
詳覈實以告聖明詳味樞臣之言曰現兵如何訓練有  
警如何應援并用何將統領坐定主名斯誠戰守之實

明大司馬盧公奏議

卷七

五

著乎宣雲事勢與薊鎮大不相同薊門當以守爲戰宣  
雲當以戰爲守二千三百里長邊處處逼臨口境平坡  
四望徑路千端矮薄邊垣土頽石蹋非惟若斷而若續  
抑且似有而似無於此而侈言匹馬不入以爲功是欺  
皇上也設或口入謂三鎮現在之兵及臣標旅遂謂動  
出萬全是亦欺皇上也臣所恃者惟有皇上之大賞大  
法在於以鼓勵棟動各將兵之心口來則破釜沉舟合  
併羣力與之決一大戰耳若戰而大捷固將快京觀之  
築寒口口之膽其或小挫之又或殺傷相當亦知中國  
尙自有兵不敢正視惟聽其自去自來有利無害遂使

塞馬驕嘶乃爾我之兵將又皆畏□不畏法臨時只辦得一逃果能力戰且能人人力戰而失利者凡幾也哉臣是以請練標營請飭兵政無非實做實言不敢一毫虛假今標營業就緒矣初二次練法昨回奏時俱冊報兵部矣若標兵不堪戰何以責總兵又何以責協路臣特行節制五營每營各取職名保結狀三張各取職名軍令狀三張保結自上而下將領保其坐營千把坐營千把保其百總隊長百總隊長保其伍兵是也軍令自下而上百總隊伍長具狀與本管坐營千把坐營千總具狀與本管將官各營將官具狀與臣是也其中馬步

明大司馬盧公奏議

卷七

去

戰兵但有老弱虛冒臨敵不前大小將領但有庸怯逗遛用命不力者上下一體坐罪此雖新行實係古法必如此而臂指乃可相聯律令庶幾共曉臣不敢寬標營又何敢寬各鎮乎若夫防剿機宜未能預設臣請籌其要者如□犯宣鎮各邊宣府撫鎮聞報宜徑馳永安柳溝首先扼口東向與薊昌諸兵關內關外互爲聲援臣督標旅徑馳懷來調度兵將截殺大同總兵官宜徑馳宣府近地視其東西南三面向往協力合禦山西總兵官宜徑馳大同近地相機邀擊以防其入晉地如犯大同山西宣府總兵官切勿輕動惟責成雲晉撫鎮嚴兵

堵剿互相應援臣視薊宣昌警息若何方敢西向若東  
西分犯臣惟專顧陵京若宣雲並犯臣亦先捍宣鎮若  
去薊昌稍遠并去宣鎮亦遠大勢俱犯大同山西臣卽  
隨時審勢督兵而西兼顧雲晉其他各路各口額設之  
兵止宜責以守不宜責以戰信地職名按籍具在憲典  
昭然各鎮各邊所入之路要在臨機策應難以先事預  
期設或犯薊門三協以彼中督治監撫之壯猷兵馬臺  
墻之整固自萬萬無虞但陵京爲重臣卽統率標兵并  
飛檄宣雲兩鎮之兵分道入關計程計里刻日刻期應  
援協剿仍將山西總兵官移至大同以備策應倘各鎮

明大司馬盧公奏議

卷七

七

官兵調度不靈遲違觀望臣恪遵新奉明旨鎮道副將  
參拏參遊而下立正軍法不少貸也今將陽和兵備道  
臣呈報到節制五營將領千把等官并百總隊伍兵丁  
互相保結及各軍令狀一咨送兵部立案一存畱臣衙  
門照行若三鎮總兵官及其鎮標兵將臣已專差守取  
并發款式與之取到卽當達部另疏報聞再照標營新  
舊官兵共一萬員名題奉欽依經制五營各官兵一千  
九百員名又轅門官丁五百員名先據道將詳報盡數  
募完勤加訓練盛甲器械數月來粗已整備目前如遇  
諸邊有警除轅門官丁及標兵畱防陽和鎮城外隨時

東援西剿者爲數實可七千亦成一旅矣至領兵職名  
中營係總練副總兵白安左營係參將劉欽右營係參  
將馮舉前營係新題遊擊管參將事朱尙義後營係新  
題遊擊管參將事李昌齡五弁雖非上選而勇略俱自  
過人今日將材極難是卽鐵中錚錚者微臣鼓而用之  
堪收一臂之效但營伍初定覆奉明旨中營改總練副  
總兵衙門左右前後四營改參將衙門臣前疏請改給  
關防已蒙敕下該部并乞聖明申諭速給施行謹奏

崇禎十年四月十五日

明大司馬盧公奏議

卷七

六

選用奇兵疏

又百人者天當嚴備酒藉令

題爲精選奇兵專備劫營剿禦事行據宣大山西三鎮  
守巡兵備等十邊道呈報蒙臣憲牌前事照得用兵貴  
在出奇剿口宜於夜劫蓋口人日肆搶掠殺人每到三  
四更時熟睡誠得勇敢兵丁身軀矯健舉步輕捷善於  
登高涉險晝伏夜行者潛入其營奮力砍殺并暗取其  
馬匹弓矢此制口良策不可不急爲講求也但此等兵  
丁須平時挑選教練務使手足利便膽氣充足心志堅  
強呼吸靈應以供臨期之用爲此牌仰該道官吏卽便  
轉行協路將領及守備操防管官各照本管軍兵每百

明大司馬盧公奏議

卷七

九

人中精擇一二名開具姓名年貌籍貫限文到十日內  
繇道類報前來道丁亦百人選一同將備等官所選一  
併冊報仍要明白曉諭本人專用以偷營劫寨能夜殺  
口及暗取其弓箭馬匹一照功級陞賞其有被口損傷  
者分別重輕從優卹錄尤在各軍兵自願承認方爲得  
力選定之後照常在本營路城堡食糧操防遇警提用  
每名每日加給銀三分事關軍機慎毋違錯緣此又蒙  
臣憲牌前事案照牌行各屬挑選勇敢兵丁遇警加  
糧提用原文開載已詳但前行百人選一各堡自派守  
墩臺而外現兵有不及百人者又當通融酌議今將小

堡軍兵每五十名挑選一名數至百名則一名兩名隨便總之以精選適用爲主該道逐名查驗先具姓名年貌籍貫冊報若提操調用除每日加糧三分併計功重賞外另行優待該將備不許借端科派幫貼如選報得宜鼓舞有法卽以定本官之能若違玩因循苟且塞責亦決不姑恕至各兵丁果能獲級仍錄本管將備之功一一題敘理合再行申飭催取爲此牌仰該道官吏速將前項奇兵加意遴選設法鼓勵刻期彙報慎勿少延蒙此各將協路城堡將備操防等官所轄軍兵如數挑選冊報到臣除臣於行邊閱視之日就近覆加查驗授

以機宜鼓勵備用外謹照口勢日強其情叵測邊庭積弛戰守兩虛今日文武將吏凡官於宣大山西者必能保其五年不來錢糧按時取給以三年生聚再益以兩年教訓且須在事各官久任責成臂指相依一手做去夫然後計戰計守而漸張撻伐之威今何時也政如以貧病凍餒之夫守孤邨僻壤而居敗棟頽垣盜賊虎狼環伺左右豈非救死不贍者乎臣識見短淺才力庸下將如何而可耶日來于各路邊堡之守兵標鎮該協之戰兵頒發規條申明賞罰枕戈刻責心口交維臣不敢絲毫不實做也但臣所能爲者守兵責以必守如不能

守則朝廷三尺隨之而守之堅瑕臣尙不能必也戰兵責以必戰如不能戰則朝廷三尺隨之而戰之利鈍臣尙不能必也至欲責戰兵以守守兵以戰其勢必兩相需因而兩相誤蓋兵以精勝以專勝夫精專之謂則戰自戰守自守之謂也皇上神明天縱於宣雲兵力洞照無遺臣何敢多控惟挑選奇兵一節抽百人之一二取額餉以資生平時分駐信地操防遇警檄至軍前調度入虎穴固危自願則非爲強劫口營豈易用奇則不在多斯亦制口一善策也惟是撫馭不優則意氣不奮賞賚不厚則心志不堅果能夜入口營割口壯級應照當

明天司馬盧宏奏議

卷七

三

陣每顆五十兩給賞以三十六兩賞本兵以十四兩分賞其本協本路本城堡之兵若能暗取口營弓矢卽照弓矢之價賞之暗取口營馬匹卽照馬匹之價賞之而本協本路本城堡將備操防等官卽以其所選之兵獲功多寡准與併敘夫然而上下愈思奮矣其各兵臨警調用日給行糧三分約略宣大山西三鎮可得奇兵千五百人每日止費行糧銀四十五兩應於各鎮餉司事故銀內支給總計月費行糧銀亦止一千三四百兩爾朝廷寧惜此錙銖不以酬死士乎以上事關功賞行糧非臣所敢擅便必經戶兵兩部覆奉明綸立定規則臣



與監撫鎮道乃可遵而行之也伏乞皇上敕部速覆施行謹題

崇禎十年四月十五日

明大司馬盧公奏議

卷七

三

崇禎十年四月十五日

行謹題

與監撫鎮道乃可遵而行之也伏乞皇上敕部速覆施行謹題

起解罪帥疏

臣看得原任宣府總兵官張全昌緣事立功于崇禎八年七月內奉文調赴江北河南援剿陷身賊壘本年十月內臣叨總理之役亦曾補贖糾參其後本官復得生還自當束身以聽部勘昨秋奉兵部起廢勤王之檄全昌領自募家丁北上因聞口退暫止大同此臣未督宣時也及臣至陽和遂詣轅門謁見臣見其所領官丁俱各精銳可用聚之無糧散之不便因勢利導委以募兵本年正月內恭具增練標營事宜一疏已經奏明矣兩月來新標官兵五千全昌所募者一千三百餘員名皆山陝健卒也當年失身是其罪此日召募是其勞微臣就事以獎其功故前有立功之請樞臣追論以究其罪故近有特疏之糾茲全昌募兵事竣告回聽勘奉旨因前案逮治本弁聞報卽請就繫祇聽國法臣檄該道差官限本月十八日押解宣府聽撫按給文解京蓋全昌舊宣帥也是以遵旨就近起解不敢稽延統惟皇上敕下該部俟全昌到日查收究擬施行謹題

崇禎十年四月十七日

明大司馬盧公奏議

卷七

三

類報宣邊夷情疏

宣邊千有餘里哨非一處夷非一種報非一時如總係一事而督撫監鎮等報重見疊出則涉於煩煩總在一鎮而協路邊堡等官各自爲報則病其隔閡竊謂欲明邊外夷情惟將各路塘報或旬日或半月合而觀之計其時日籌其道里度其情形於以揣量口中消息思過半矣臣謹將本月初六日起至二十日止類舉入告焉案查四月初六日辰時據宣府右衛路革任候代參將趙之蘭報稱遵奉新行於本月初二日發本路堡官丁三百五員名從膳房堡出口與葛峪柴溝兩路會哨等

明大司馬盧公奏議

卷七

五

因四月初九日巳時據宣府葛峪路參將劉永亨報稱本月初四日發本路堡官丁三百員名從青邊龍門等處出口與右衛獨石兩路會哨等因同日又據宣府永安路參將賀讚報稱本月初一日先發本路官丁二百四十員名從四海冶出口又與分監張中軍面商續發通丁張剛等一百名接應會哨等因十一日又據柴溝路副將管參將事王世任報稱本月初四日發本路官丁共四百名一從鎮河臺一從鎮靖臺等處出口與新平柴溝兩路會哨等因本月十三日又據獨石路參將薛光允報稱本月初六日發本路堡馬兵三百名從鎮

寧堡等處出口與各路兵馬會哨等因又據懷隆口北赤城等道各報相同本月十七日午時又據宣府總兵官楊國柱報稱職奉旨聯絡哨探除行所屬外又差親丁把總徐有功等帶領漢夷丁二十名從膳房出口哨探十五日酉時據報哨至離邊約一百五十里馬肺山有夷人約二百騎從西南向東南行隨有二夷飛馳向前搖鞭說我們原是西夷不係作歹要來宣府市口買賣等因又准宣府撫臣劉永祚塘報相同本月十八日又准宣府撫臣塘報據張家口守備周洪猷報稱本月十五日有夷人到口職隨分監中軍盧志德查問據稱係西夷哈喇哈七慶下一名喚黃吉香艾一名喚克什免從西北地方桃賴起身今走一月有餘到此牽騎馬二百餘匹駱駝七八十隻前來講市等因又據總兵官楊國柱塘報相同十八日又准撫臣劉永祚塘報內稱獨石路參將薛光允差旗牌白尙用口報十五日鎮安口外各路哨丁離邊二十里與各夷對敵不知其數等因同日又據懷隆道僉事秦德光塘報據永寧參將賀讚報稱十四日據四海冶守備柴奇報稱原差坐撥哨丁梁榮等十一名出口瞭哨遇賊夷三十餘名圍住內有認識賊夷沙雞子向問我們窮急欲想求款先將役

等放回報信仍將三名拉去背行李有分監張中軍及  
本路原差出哨丁夜呂萬倉等一擁將賊趕散扒山遁  
走將剝奪四海長哨衣物三背長哨三名盡棄役等仍  
四散追趕各丁俱有射中賊夷得獲達衣三件夷箭六  
枝俱有番字可証口袋四條大鍋一口鞋帶一條箭籠  
一箇椰瓢四箇等因本月十九日又准宣府撫臣劉永  
祚塘報據獨石路參將薛光允報稱十四日鎮安邊外  
地名三道川瞭見賊夷數十名從東往南行走又鎮安  
堡夜不收李忠口報邊外哨丁遇見賊夷對陣職卽督  
兵與總鎮標下領兵守備康有德等合兵一處出口追

明六司馬盧公奏議

卷七

五

剿有龍門所哨探把總杜中元統兵一百五十名往北  
分哨瞭見東北山上有賊夷二百餘騎撲來我兵用鎗  
炮弓箭射打傷夷賊最多等因到院除飛飭沿邊衝口  
聯絡遠偵相機截擊外理合塘報等因同日又准宣府  
撫臣劉永祚塘報據張家口守備周洪猷塘報夷人七  
慶把什歹成恰等稟稱原係歹成下部落先年在本口  
互市喫賞屬夷自崇禎元年插漢到邊與各台吉爭口  
子在大青山後撕殺將歹成下二官叫解生台吉破傷  
有各夷奔投哈喇哈王子下屢年在大同殺胡堡賣馬  
因順義王下夷人做賊偷馬又虧價值想起先年張家

口市賣公平騎牽馬二百餘匹乞市等語看得七慶把什等尚有本堡年老長哨認識委係先年領賞夷人但離邊已經十載恐有狡詐等因到院看得各夷叩關乞市其情難測如果係賣馬則實爲我利但真僞難以遽信除一面嚴防再行確偵詳審外理合塘報等因又據總兵官楊國柱所報相同本月二十日又據懷隆道僉事秦德光塘報據永寧路參將賀讚塘報據四海冶守備柴奇報稱探役高月等十名在廟兒梁坐撥十六日已時瞭見夷人五六十名衆人見役瞭見遂登北山一夷會說天朝話問役等你們黃通事在不在未曾回答

明史司馬盧公奏議

卷七

毛

又說前番傷了你們人不是我們不是原是你們先動手我們現在薊鎮喫朝廷大賞不肯與你們爲讐如你們與我和好還與你們守邊探聽東口消息等因本日又據分守口北道右參議賀鼎塘報據張家口守備周洪猷報稱本月十八日蒙總兵本道中府并本路許參將屈同知齊到後牆瞭見騎馬夷人七名匹至牆下問係克什免等來打聽示下見卑職在牆上隨喚七慶把什歹成恰等二十五名前後三十二名據稱乞討開市明示等因各塘報到臣該臣看得宣邊自本年四月初一日迄今二十一日屈指兼旬矣前此將備株守各邊

堡墩臺一牆之外全無聞見近來哨法節奉明旨嚴飭復經部覆申明於是而總兵有哨協將路有哨守備操防有哨東至南山永寧西至右衛柴溝等處所在與口地爲鄰各哨丁分頭而出亦所在與各夷相遇及查永寧路參將所報哨丁遇夷奪衣并賊夷沙雞子等窮急求款情節在四海口外其爲敖目無疑卽該路十六日續報廟兒梁瞭見夷人自供在薊鎮喫賞不肯爲讐等語可驗也總兵楊國柱親丁把總徐有功等所報夷人二百餘騎從西南向東南行自言不係作歹要來宣府市口買賣情節在膳房口外其爲殺胡市夷無疑卽張家口守備周洪猷續報西夷七慶下黃吉香艾克什免等牽馬二百餘前來講市可驗也至獨石路參將薛光允所報鎮安口外哨丁離邊二十里與各夷對敵隨後有龍門所哨探把總杜中元等用鎗炮弓箭射打各奔山林未知是何部落而該將亦稱爲敖目此亦近似蓋獨石龍門係宣鎮中路永寧四海則宣府鎮之東路而膳房張家等口則宣鎮之西路也詳考先年撫賞時屬夷史大官等在周四溝邊外東夷兀愛等在龍門所邊外哈喇慎黃青二把都哈不慎白洪大敖目等在鎮安青泉邊外大把都威兀慎等在馬營君子堡邊外黃台

吉各部落在葛峪路及張家口邊外永邵卜阿速七慶  
擺腰兀慎等部落在右衛柴溝等路張家膳房等口邊  
外迄今時移事改各夷遷徙不恒部落名色亦異無從  
細查總之□勢日橫一切零夷在我當隨機應變廣示  
羈縻以分□黨殺其勢不宜盡驅而爲□用致□耳目  
日多羽翼日衆我且剿不勝剿而防不勝防也卽如敖  
目一夷受賞於薊作歹於宣終非善著明旨屢言諭覈  
寓意原自深長臣移行撫監鎮道從長確商迄今尙無  
成畫總因功令森嚴夷情反覆故邊臣不敢自主據臣  
愚見今日惟當一意辦□而以守四夷柔遠人之道待

明大司馬盧公奏議

卷七

无

諸沿邊部落是或安邊一策也臣向因奉旨會議修邊  
及宣東時有零警尙未西行近日又爲宣鎮各路夷情  
瀕行暫止但雲晉之行亦不可緩轉盼草青自五月以  
至七月尤當緊防□至專力宣東目前喫緊機宜在敖  
酉則陰陽順逆可慮非剿卽撫在西夷則往來乞市宜  
防非拒卽許總之兩言而決耳若遲疑不定使伏處陵  
後者終成肘腋之奸搖尾臨邊者反作門庭之寇非計  
之得矣伏乞聖明敕下該部科從長確酌務要畫一之  
議請旨行令臣等遵奉施行謹題

崇禎十年四月二十二日



覈實三鎮邊備疏

崇禎十年四月十七日據大同總兵官王樸呈稱遵照  
憲牌除軍令狀依式行據各將具到遵限一并類繳外  
所有本職下馬步戰兵一萬一千員名皆係挑選練就  
驍健人堪殺賊並無老弱所部將領如李居正才明忠  
郝崇尤焦延潘鳳閣應魁俱係勇敢戰將本職統之  
惟令是聽等因到臣又據宣府總兵官楊國柱稟帖蒙  
臣憲牌前事因營伍初經訓練又分防懷來健丁二千  
五百新經歸併一切領兵各官尙須確覈另報等因又  
查山西總兵官王忠赴豫援剿稱病日久其部下剿賊  
失利諫逃臣不勝爲之扼腕旋接山西撫臣吳甦及分  
監臣牛文炳揭帖知撫監二臣多方諭輯是以回鎮兵  
丁及沿途所過幸無大害然而三千銳卒今回者止於  
強半衣甲械馬亦多化爲烏有三韓設有緩急其將何  
所恃哉況晉省邊腹地寬去陽和復遠臣方苦於鞭長  
不及而大帥之兵一旦以遠征潰敗彼中雖有監撫諸  
臣能以空拳辦大口乎總兵官王忠入豫卽口口稱病  
無心剿賊并無心馭兵使其身在行間相機調度卽潰  
敗亦豈至此人臣委身事主一至專閫登壇輒想抽身  
退步委君命於草莽以軍旅爲嘗試微臣實不能爲忠

解也。目今三鎮之兵在宣府則以前帥積頹之後簡練方新在晉兵則以病帥委轡之餘收拾未易止雲鎮一旅連年整搦業已就緒可觀今將取到大同總兵官王樸并其闔營將領兵丁保結軍令等狀咨部立案宣府總兵官楊國柱俟報到另咨若山西總兵官員缺尤宜速推謀勇堪任者刻期受事使之撫馭悍卒整頓殘兵庶巖疆有賴也。懇惟皇上敕部查照施行。謹題。

崇禎十年四月二十五日

明大司馬盧公奏議

卷七

三

籌議用款疏

奏爲微臣西閱大同途次屢接部咨用款疏俱係籌邊喫緊著數一面會行一面馳奏事該臣於四月二十二日恭具類報宣邊近日夷情一疏隨於二十五日西行蓋恐時踰仲夏塞草青深勁口窺宣多在五六七等月故急急於雲晉之行以便回頭東顧也乃旬日來連接兵部咨文一爲密奏事一爲密報事一爲驚聞皮島潰失事一爲偵探夷情事一爲遵旨具奏事無非爲口口併鮮侵島入口堪憂而明赦閃爍於宣薊卜哈乞市於宣雲邊庭大計所關務求確畫長算樞臣籌度業無

明大司馬盧公奏議

卷七

三

遁情明旨申嚴更爲詳切併微臣類報宣邊夷情疏此際想經部覆得旨矣總之防敖剿敖不若用赦而用赦之機宜非薊宣合做不可雲市宣市同歸一市而通市之機宜非宣雲合做不可詳味樞臣先後所議寓意深長然恐非將備等官所能了當也廟堂注意宣東若此臣今介馬驅馳若赴晉邊去宣益遠茲閱完大同邊鎮卽當返轡東旋與薊宣督治監撫諸臣共圖長策一面已馬上差人密會確議相機而行大抵今日事勢應以全力制口其餘部落卽叛服靡恒中情叵測其性固然廣示羈縻嚴爲備禦要在邊臣之操縱爾至刻下宣邊

夷情聽監守撫鎮諸臣就近奏報臣現赴雲鎮殺胡威  
遠沿邊一帶一應塘報難以卽達謹併題明統惟聖明  
睿照謹奏

崇禎十年閏四月初三日

明大司馬盧公奏議

卷七

三

再陳卜哈情形疏

該臣於上年十一月內因卜孽投誠節經奏報奉旨特開一面以待之臣與撫監鎮道諸臣隨宜撫馭迄今半載雲境粗安然未嘗費朝廷金錢如向來撫賞故事也不過就馬市一節曲示羈縻爾而招來哈馬實始於樞臣楊嗣昌督宣之時昨歲秋冬雲鎮官兵入援大同空虛實甚西哈又擁馬二萬餘騎健夷七八千人臨邊乞售人情不勝疑慮焉撫臣葉廷桂諭讐得宜使遠人遂通市之願中國收雲錦之羣其作用可謂與舊督相成也然賣馬者哈而卜實借馬爲緣以有求於我乞款者

明司馬盧公奏議

卷七

七

卜而哈實因市爲利以仰望於我此輩犬羊其性不止飢附飽颺亦善乘瑕鼓釁從來馭夷察微知著見影思形防其漸也以臣愚之所揣摩合之鎮道將領之所籌度又採之通官夷丁之所指陳僉謂哈夷原有兩種東哈勢寡而弱近□附□西哈勢衆而強遠□抗□然去中華萬里據稱販馬之役經行三月始到雲邊十數年前爲插酋大衆所阻故不得自通今聞漸徙而東離雲邊可六七千里其數以三三十萬計此近時西哈之情形也至卜部先併於插插亡而兩卜孽如省吉木那兒木二台吉者今已歸其故剏駐牧豐州灘歸化城等處

離雲邊止二三百里聞此酋男婦老少亦有二萬餘人  
就中强健者五七千有馬者一二千每當哈馬到時從  
中說合每馬得牙用二三兩不等以此爲利其猾者時  
時收哈零馬以其間售之口上得價倍焉此近時卜部  
之情形也夫中國之於夷狄以大勢權衡之則凡非我  
族類欲其分不欲其合欲其弱不欲其強欲其遠不欲  
其近而計及於伐謀伐交用奇用間又自有機焉有勢  
焉有時焉隨機應變審勢利導因時制宜邊庭之事可  
得而言矣口之強也先併金白二酋次併三十六夷又  
次并吉囊并插今復并鮮東自鴨綠西至賀蘭塞外山  
河皆隸其版至於內地奸人爲之用者且實繁有徒年  
年入內處處長驅九邊於是乎苦無寧日今所存惟哈  
耳惟卜孽耳哈足抗口而又利中國之市故未與之合  
口口中無卜而卜又以其先俺答四十年恭順懷中國  
之舊竊處豐灘然謂哈始終不與之合此轉盼不可知  
者也謂卜始終不爲我患此亦轉盼不可知者也惟是  
兩卜孽於去冬乞款自願守邊曾諭以探報口中消息  
未見有何的音但逼處一牆之外半年未動邊塵彼方  
自謂恭順我實無辭以絕之至於零收哈馬以射利坐  
得牙用以資生總是窮夷行徑無足異者聞邇來西哈

亦已覺之願赴口自售不藉卜夷但哈遠卜近絕之太甚必從中生奸任其把持亦長彼驕志所當檄行鎮道將領今後市馬若到哈來徑與之貿易卜至亦聽其關通如豢犬豕使之半飽半飢戀棧不已在我則陰爲防範陽示羈縻斯馭卜一道乎若西哈衆至二三十萬勇悍過口其地苦寒其性樸野所仰望於中國者茶布銀錢之外了無他志賣馬一匹得銀數十兩半易茶布以歸於我中國實有利無害近聞口欲梗其賣馬頗有憤心我若於市馬之間稍示恩信勿虧其價勿爽其期則臣前疏所云因卜聯絡用哈制口其機關端有在也口

明末司馬盧公奏議

卷七

美

近而哈遠遠款近攻是或馭哈一道乎總之馭卜與哈須在分合之間馭哈與口須令有分無合藉卜備口不足驅卜投口有餘卜與哈不卽不離而操縱在我矣因卜聯哈不過發端用哈制口另有究竟哈與口相抗相傷而勝勢在我矣微臣識淺才庸本非邊料勉肩鴻鉅日夕焦思凡有一得之愚輒不勝詡詡沾沾盡行傾瀉以聽廟堂採擇不敢自謂其言之當也臣今適至殺胡據守邊夷人叩稟謂六月下旬哈馬可到其向張家口與向殺胡口則未可知此輩之來防之宜密待之宜寬應之宜速則彼遂意中之欲我無意外之虞以我用夷





再陳屯牧事宜疏

臣於去冬受事卽恭具屯田種馬一疏蓋謂屯政弛而軍貧馬政弛而軍弱有關於邊庭大計也敷陳屢疏拮据半年屯務粗已就緒矣一切借本經營臣具移會撫監董牽道廳事事實做通計宣雲諸屬前後措發過屯本八萬零未敢向內庭呼籲臣亦自率標兵開屯萬畝以爲各屬榜樣在道臣奉行最力者爲分守口北道參議賀鼎陽和兵備道副使竇可進大同兵備道副使聶明楷在廳官奉行最力者爲大同東路同知鄭獨復大同中路通判陰德顯宣府下西路通判綦廷陳其他有

明大司馬盧公奏議

卷七

五

謂無荒可開者有謂與屯不便者有謂屯本無出者臣惟一聽其便並不強之以難臣又於前四月間行勸農栽植樵採等法與屯政相參而行蒐乘之暇偕道廳等官親詣田間勸課軍民但見窮邊絕塞蚩蚩之氓有荷鋤旁視者有負耒相資者有扶老攜幼自遠而來牽耕牛備荷插以爲助者臣皆量賞以紅布銅錢用好言撫諭於是百犁齊動阡陌塵開洵足觀也徧閱沿邊地方今年播種差廣若雨暘以時收可十五乃自入夏每苦密雲而不雨間或有雨而無多人情皇皇不勝望歲此則聽之天時臣愚不敢必矣至於種馬一節祖宗成法

可稽然亦須與俵馬買馬市馬參觀年來馬市不通專  
靠俵解與夫邊腹地方購買以州縣俵解言之每馬一  
匹額編銀二十四兩其實民間買馬不啻加倍而有司  
僉派印烙馬戶費更不貲及自州縣解之同寺同寺發  
之邊庭料草盤纏倒斃瘦損又難更僕數也以各鎮購  
買言之每馬一匹須價三十餘金數千里往還倒損十  
嘗一二併沿途費用每馬約費五十金兩者皆不及邊  
方自種爲省蓋馬駒一匹三年可以騎征約其牝牡料  
草之資每匹止用銀二十五六兩又免僉解跋涉之艱  
難臣是以有種馬之請也今馬市開而此法可姑置不

明大司馬盧公奏議

卷七

五

行蓋用兵方急需馬正殷難待於數年以後臣昨冬請  
有種馬銀二萬尙未動支堪移緩就急買市馬以濟臣  
標備衝邊剿禦蓋臣薪舊標兵業已練有次第應補舊  
額新增馬騾共三千九百餘匹頭須價八萬五千餘兩  
分毫無措心血爲枯前雖疏請撫貨而年久之物商民  
不肯承領且爲數無多戶部又議分充餉安所得濟緩  
急焉伏乞皇上敕下兵部覆議將前種馬銀湊充標營  
馬價用濟急需此外尙少六萬餘金如撫貨變得一分  
各鎮搜得一分屯鑄措得一分臣當逐款奏聞通盤消  
算不敢再請之內庭至屯本屯息及興屯各官謹遵屢

旨另疏詳覈課成事而殿最之亦不敢以虛文塞責也  
謹題

崇禎十年閏四月初七日

明大司馬盧公奏議

卷七

罕



崇禎十年閏四月初七日

卷七

旨另疏詳覈課成事而殿最之亦不敢以虛文塞責也

請停禁止樵採疏

臣竊見宣大山西各邊一牆之外樹木陰森草薪茂密而牆以內則童山赭土一望平沙東草三分擔柴百錢如此其貴也昨冬自出居庸關卽詢之宣鎮沿邊軍民何不出口樵採曰有禁再詢之邊堡將備何不出口樵採曰有禁及抵陽和見臣衙門設有樵採木牌其來舊矣標營將士與附近居民每月出口數次皆負薪曳木以歸地方稱便焉查宣禁始於崇禎七八等年蓋向來任宣者慮軍民出口不便故特閉之然亦未奉明旨乃不旋踵而□入遠近皆莫之知是一牆之隔邊口之閉

明大司馬盧公奏議

卷七

聖

止自障其耳目爾夫祖制邊牆之下多雷暗門政如人身之有孔竅人身不因風邪易入而閉塞其五官且風邪亦不從五官入也陽和城隘新增標旅五千苦無棲止臣爲之建造營房千間計需大小木植二三萬根皆採之口外經月而辦亦可省公帑二千餘金況乎邊堡貧軍每月出口四五次所得薪木便值銀二三錢卽謂之活命之膏可矣是故樵採之便有五資貧乏之生一也壯軍民之膽二也城堡修築就近取材不糜公帑三也出口人多可佐哨丁之所不及四也使邊外無長林豐草到處爲□人駐牧之場五也此事雖小頗有關係

不敢不上告聖明或一體允行或尙須部酌統惟睿鑑  
施行謹題

崇禎十年閏四月初十日

明大司馬盧公奏議

卷七

聖



崇禎十年閏四月初十日

卷七

不... 告... 聖... 明... 或... 一... 體... 允... 行... 或... 尙... 須... 部... 酌... 統... 惟... 睿... 鑑... 施... 行... 謹... 題

遵旨照款再奏疏

該本部題覆宣大山西督撫鎮各回奏前事奉旨據奏宣鎮所部戰兵較大同少五千有奇東西二協駐防兵內作何練戰爲守鎮威兩營火器臨期作何調度亟宜預籌責成山西健丁著九世祿星速收拾整頓并西路零挑戰兵平時作何合操有警堪否剿禦亦須殫心料理又除南山厚兵固守外保安蔚州等處馬水金水紫荆白石龍泉過關等口作何截殺扼防策援及督臣視口勢輕重相機調度戰守事宜還著照款責令明確另奏以便責成欽此欽遵備咨到臣隨飛移三鎮撫鎮各

明司馬盧公奏議

卷七

聖

照款登答徑自回奏仍揭報臣參酌類款去後近該宣大撫鎮已經具有疏揭前來山西撫臣吳甦相去較遠山西總兵官尤世祿現行嚴催赴任料理不能久待謹將微臣調度戰守事宜照依部議列款回奏

一 樞臣原奏宣大山西三鎮切近陵京畿輔僅隔一山行令三鎮巡撫總兵自行條答將實練戰兵幾枝某將統領策應確具職名兵數奏報立案仍一面報臣聽候臨期調遣查此款各鎮前奏已明惟宣鎮戰兵比大同少五千五百又鎮威兩營火器三千未定分信戰守樞臣是以駁議今據宣府撫鎮揭稱宣府

城大撫標及城左城右鎮奇四營共官兵五千八百  
十員名俱派城守堪戰者實止撫標一千鎮標五千  
并東西兩協練戰爲守撫鎮業已自認責成又分監  
鎮威兩營共兵三千據稱相機調遣則亦戰兵之數  
也職名具在分晰旣明惟當晝夜簡練圖維務期實  
濟伏候聖裁

一樞臣原奏謂各鎮將領兵幾枝堪否搏戰聽臣先  
期約束分明遇警分派駐防截殺臣前屢疏業將陽  
和標營并宣大兩鎮總兵官所部將領戰兵職名數  
目保結軍令等狀已經一一咨部立案又將南山柳

明司馬盧公奏議

卷七

四

溝永寧懷來一帶大同山西等處馳援邀截事宜詳  
奏訖今樞臣謂惟有保安蔚州等處當□西南窺犯  
馬水紫荆之衝議調大同兵馬迎頭截殺籌畫甚周  
該臣覆查得□□若窺宣邊如居庸南山一帶關內  
關外兵力足以扼之勢必折而從鷄鳴驛新舊保安  
等處窺金水馬水稍南則從西城蔚州廣昌等處窺  
紫荆白石再折而西南則從渾源應州等處窺龍泉  
固關臣前疏所謂大同總兵官徑馳宣府近地正以  
扼西城蔚州一路也山西總兵官徑馳大同近地正  
以扼渾源應州一路也若宣府撫鎮提兵永寧柳溝

則照管新舊保安亦近總之三鎮戰兵首尾環應而臣標隨處策援庶爲得之至預儲行糧安頓主客宜專撫道各管信地經理而知會薊昌兵馬內外夾攻則臣事也伏候聖裁

一樞臣原奏謂口越過宣府直入馬水金水等口越過大同直入紫荆白石等口踰過山西直入龍泉固關等口各鎮兵馬該從某路策應該臣覆查得口如踰宣府而入金水馬水則保安蔚州其要道也踰大同而入紫荆白石則應朔渾源其要道也越山西而入龍泉固關則忻代太原其要道也所謂越者蓋指

本鎮之兵力不能扼而言也夫旣不能扼之於前必須襲之於後及查保安蔚州應朔渾源太原忻代皆平衍之區無險可恃倘由保安蔚州入金水馬水則大同鎮兵扼於前宣府鎮兵襲其後倘由應朔渾源入紫荆白石則山西鎮兵扼於前大同鎮兵襲其後倘由忻代太原犯龍泉固關則山西省會腹裏之兵并會寧武鎮兵從徑路扼於前而大同鎮兵仍襲其後至龍固紫馬白石金水等口亦如居庸形勢內險而外夷必須薊昌眞保之兵扼險於內而後宣大山西之兵可策應於外若恃外援或疎內備此不可幾



之數也至□大勢盡趨山西臣卽督標旅并雲晉之兵合力往剿宣大撫監一意居守緊護南山總兵官楊國柱自當率其五千健丁相機追截扼擊務使其衆進不能深入內地退不敢回犯宣疆方爲得策伏候聖裁

一樞臣原奏若□勢不多止在三鎮臨邊出沒搶掠各該撫鎮必須設奇殲盡預絕內窺之端總督大臣應照楊博所議止當保固陵京防護南山不得輕易西馳致失東備蓋權緩急輕重而言之也除臣前疏詳奏外臣疏內言東西分犯臣惟專顧陵京宣雲並

明大司馬盧公奏議

卷七

吳

犯臣亦先悍宣鎮若□去薊昌遠并去宣鎮亦遠大勢具入大同山西臣卽隨時審勢督兵而西兼顧雲晉此意原相發明今樞臣覆議總督標兵正值護陵時節不可輕移策應如係大舉分股入邊東西未決雖或聲勢重大撫鎮力難盡殲總督理須策應卻要保護南山萬全不可倉卒西馳蓋以塞馬如風苗頭雖見於西未必不折而東我須逸以待勞靜以制動萬不可爲其所誘顧彼失此少失輕重之宜眞可謂長慮深籌矣臣當一一依照而行又樞臣覆議若我穩護南山□來窺犯不止則合督撫鎮之兵據險設

伏相機出奇彼時薊遼關寧兵馬調到又可助戰摧鋒如果□□成功朝廷不惜超陞大賞以酬文武用命該臣覆看得□入宣邊臣與宣鎮撫鎮皆專力懷永柳溝南山昌宣兵力既集□非由宣之保安蔚州窺馬水一帶卽由雲之應朔渾源窺紫荆一帶彼時大同鎮兵必如臣前議先期馳至宣府近地以扼保蔚山西鎮兵先期馳至大同近地以扼應渾若入雲晉薄忻代太原大同山西鎮兵各力戰守臣躬提一旅督剿宣鎮官兵繼之三鎮之兵首尾務要相近相顧如有遲違觀望敢懷二心者法無赦至決戰之說

明司馬盧公奏議

卷七

四

亦有機宜倘□入邊內我兵未集宜用設伏出奇之法若我兵已集□來不止宜用合併羣力決一大戰之法如敢掠東西南三面飄忽馳突又當隨宜分合彼時三鎮之兵或前茅或後勁或中權或左右翼畢竟權難預設又或暗遣夜劫奇兵或懸募義勇零剿或調別鎮之兵邀擊或用堅壁之法制之總之心志和而事權一天下事原有可爲微臣調度之伎倆盡此矣伏候聖裁

崇禎十年五月初七日

塘報緊急口情疏

本年五月初九日准大同撫臣葉廷桂塘報本月初八日未時據署右衛路參將康鎮邦塘報本月初七日午時有夷人擺獨賴土麥狼恰等稟報哨至張家口東北二百餘里地名速速哈喇挑落害高山頂上瞭見二三百里外地方名輕哈有大營兵馬烟塵屯聚不知是誰家口人往何處去雖不在宣府地方瞭見不得不報等情到路轉報到職看得口口謀犯見於薊遼回鄉所供今據夷人哨報有烟塵屯聚其地約在薊鎮中西協兩界其突犯或東或西或東西并犯皆未敢必除會鎮守

明大司馬盧公奏議

卷七

吳

王樸整戈待戰仍行沿邊道將嚴加隄防遠哨如有別情星馳飛報理合塘報等因同時又據大同鎮臣王樸塘報相同該臣照得五月初七日先據宣府總兵官楊國柱所報關寧哨丁瞭見口騎從老河沿西行踪跡有三四里寬看係大舉之形入犯薊宣之路隨經塘報兵部并嚴飭各邊今大同撫鎮所報卅部守邊夷人於宣府邊外東北遠瞭有大營兵馬烟塵屯聚此正與薊宣地面相對的係大舉情形且關寧大同相隔二千餘里一時所報合符宜卽萬分隄備臣已先發標下前後兩營官兵二千五百員名預防懷永以壯南山聲援臣今

復介馬馳至宣東查飭南山一帶至標營步騎及各鎮  
兵馬未便輕易調動已行撫鎮道將各爲準備再俟確  
報聽令馳援理合題知

崇禎十年五月初九日

明大司馬盧公奏議

卷七

見



崇禎十年五月初九日

再擬合牌點點合議狀

兵馬未便輕易調動已行撫鎮道將各爲準備再俟確

報聽令馳援理合題知

標旅分防南山疏

臣謹照□騎西行屢見於關寧薊遼宣大各塘報不可不時戒嚴而宣東關係更重已遵旨飛移監撫并檄鎮道共效綢繆諸臣仰體聖意咸切枕戈待旦之思臣復先於五月初一日遣發標下前後兩營官兵二千五百員名爲防護南山計前營遊擊朱尙義領兵一千二百五十員名於初十日分駐永寧後營遊擊李昌齡領兵一千二百五十員名於初七日分駐懷來此兩處皆南山要地一有聲息呼吸可以應援且兩營之兵雖新經募練年力俱係精強器械頗稱整備緩急亦堪資一

明大司馬盧公奏議

卷七

平

譬者至各兵自陽和抵懷永約五百里每兵應日支行米一升五合臣前疏止議給一升實以公帑空虛稍從節省耳業奉有懷永防兵行糧於召買客兵糧內計日支給之旨此時青黃不接米價高騰召買頗難轉輸未易每兵量給折色銀二分聽其自買飯食姑畱本色供臨期剿禦之需亦便計也本月十一日臣自陽和東馳十五日至懷來十七日至柳溝謹將南山主客戰守之兵親爲閱視簡練指授防援其諸未盡事另容詳酌入告統惟睿照施行謹題

崇禎十年五月十六日

南山修築墩臺疏

臣自五月十五日抵宣東安插標兵於懷來永寧等處仍徧歷柳溝岔道灰嶺口張家口大山口一帶討軍實而申警之總以南山爲陵京外衛宜萬分緊嚴東自火焰山西至合河口凡二百二十餘里無處非通皇陵孔道也墩臺瞭哨節經撫監諸臣查飭非復向來委頓之形至壕塹烽臺等工該撫道亦殫力經營版築伊始但需費不貲微臣前疏請發三萬金以二萬濟宣以一萬濟雲已經兵部先發其半撫道諸臣得以措手大有造於巖疆矣此時實地工夫宜權緩急故邊防無地可解

明司馬盧公奏議

卷七

五

而兵馬錢糧有限自當先儘南山然卽就南山言之應補救者非一事應參酌者非一端也謹查南山一邊以柳溝爲中路自柳溝而東直抵火焰山凡九十餘里半係平原半屬山險土築臺垣雖似有似無若斷若續而守軍猶有憑藉之資自柳溝而西直抵合河口凡一百三十餘里皆漫坡也柳溝至岔道二十里又岔道迤西十五里沿邊尙有土牆從此至合河口凡九十餘里則地脉平衍臺牆俱無矣臣策馬周觀悉其形勢此地尤宜慎防且岔道迤西有大口徑通石匣峪合河口近地有間道徑通蘆溝橋此皆不繇關門可以直闖內地而

前此所隄防不到者撫臣劉永祚前疏請築臺二十座每座設軍五十人守之其慮甚周其見甚遠而懷隆道臣秦德光料理有方延慶州知州宋應鰲督工勤勵計六月終旬可以就緒但百里衝邊建臺二十猶患其少每臺一座用軍五十復覺其多臺建矣軍設矣而迢遞崗巒汲水於數十里之外遇警必至坐困平時亦難安插凡此數事尙費調停臣觀岔道而西合河而東原有土築臺牆舊存遺址近墻壕塹亦隱隱在焉時日雖不可考大約在百年上下者想亦因工費之多汲道之遠墩軍難於存劄邊牆難於落成遂中輟耳時至今日邊

明大司馬盧公奏議

卷七

五

牆旣不能築倘無壕以阻騎又無水以資軍終非全策臣已檄行該道廳急急爲濬溝鑿井之計更於壕臺相隔寫遠處所相其地形因其舊址再建土臺數十座以聯絡之約略臺工壕工所需不過數萬然在現估工程之外容臣等一面舉行一面續請年來公帑告竭經費宜籌惟是封疆所係萬不容已之役自當竭蹶以從況此數萬之費以視大修邊牆百萬千萬何啻倍蓰臣等實爲其易且急者正難言節嗇耳至於鑿井供軍亦是目前急務每墩臺三座用井一眼約需井十五六眼差足供諸軍取汲焉但山原高燥募夫濬鑿深至三十餘





邊情疏

本年五月二十六日午時准遼東撫臣方一藻塘報內稱本月二十二日辰時據前鋒右營副將吳三桂塘報云等因到臣謹照口謀屢見塘報矣今關寧回鄉劉舉所供馱載貨物假扮西夷窺犯張家口等情此誠時刻宜防者撫臣方一藻誼切同仇馳使千里之遙以其情形見示隨即移行撫鎮并飛飭道將萬分戒嚴浹旬以來臣策馬於紅塵赤日中查飭南山一帶已經兩疏奏聞今當再馳宣之鎮城及西路等處閱視戰兵并整擗標旅枕戈以待區區血忱不敢不竭盡也統惟聖明

明大司馬盧公奏議

卷七

番

照察施行謹題

崇禎十年五月二十七日

臣等因到臣謹照口謀屢見塘報矣今關寧回鄉劉舉所供馱載貨物假扮西夷窺犯張家口等情此誠時刻宜防者撫臣方一藻誼切同仇馳使千里之遙以其情形見示隨即移行撫鎮并飛飭道將萬分戒嚴浹旬以來臣策馬於紅塵赤日中查飭南山一帶已經兩疏奏聞今當再馳宣之鎮城及西路等處閱視戰兵并整擗標旅枕戈以待區區血忱不敢不竭盡也統惟聖明

請申飭官弁規卸處分

臣維太平之理君主之臣輔之人定勝天從來忠志之士決不肯以致身大義多遜古人是故安常處順豔心富貴功名一遇艱危輒思退步自全保其身家妻子若此者蓋不忠之尤其心事堪誅也微臣自抵宣雲與督屬大小文武諸臣共相勉勵無非報主赤腸天日可矢文臣自道廳而下武臣自鎮將而下亦既剖心相質知臣信臣矣乃退而省諸臣之私踴躍任事者固多憂疑畏避者亦復不少半年來將備等官有病言病無病亦言病紛紛陳乞公贖瑣煩微臣絕不輕爲代題以致人

聖大司馬盧公奏議

卷七

七

懷規卸夫使今日之宣大山西猶是昔年之豐亨逸豫焉知湯火陷窅視之者不以爲安樂窩哉惟其勢當極窘時處最難安危在轉瞬之間掣肘有百端之慮卽負氣懷才者且相率而與庸惡陋劣同一消阻瞻前顧後無病呻吟在文吏猶強爲善而不辭在武弁則甘斥逐以圖免封疆之事至此尙可言乎臣今特請明綸嚴爲申飭嗣後督屬三鎮沿邊文武各官有無病而托辭求卸者卽時指參從重究處蓋邊防與腹裏不同自鎮道將領以至守備操防各有封疆責任雖刻刻戒嚴時時拮据猶有呼吸難保之情形若其念在自全無端引疾

則本人之意氣先情軍民之耳目亦頽請之而得徒煩  
送往迎來求去不能亦覺費時失事危疆安所賴也果  
其真老真病力不從心臣自會同撫按及欽遣內臣據  
實從公爲之題請然亦必取甘結以明勿欺如守備操  
防告病則取道將甘結將領路廳告病則取鎮道甘結  
庶將吏無飾情之請疆場有效力之人時艱克濟矣抑  
臣更有真切愚衷仰冀聖明鑒察者夫居官至榮爲善  
最樂人非至愚不肖何樂乎以身試法而且以官爲畏  
途乃今日衝邊武弁艱難掣肘實有不可告語之隱情  
而在宣大山西九十倍他所臣叨督三鎮譬若治家居  
明大司馬盧公奏議

卷七

奏

然家督也其家人疾痛利害皆宜明告君父亟求補救  
之方此又微臣久鬱之血忱非一言可盡謹另疏指陳  
披瀝冒瀆聖慈謹題

崇禎十年六月十五日

乞撫馭滇兵疏

微臣身任巖疆自治不暇居邊而計腹當□而議寇是之謂越俎古人所戒也乃臣昔曾剿賊中原非漫不經事者而滇兵則又當日微臣所調追思往事曰擊情形封疆軍旅所關分誼終難緘默竊思寇患於今蓋十五年矣腹裏地方原無額兵額餉要皆取之召募征調召募則必於就近而中原柔脆之兵遇賊徒滋糜爛征調則必於遠方而邊關精銳之旅久戍亦漸彫殘從前可悉數也況以邊兵剿腹寇寇未盡而□生心腹未寧而邊告急總是朝廷疆圉將急□置寇乎抑將急寇置

明大司馬盧公奏議

卷七

七

□乎臣自崇禎九年正月十七日到總理侍郎之任本年七月二十八日奉詔入援在事止半年耳此半年間歷盡江淮豫楚大小數十戰俘斬六七千奔馳萬餘里一切兵情民情無不身為體察悉慮調停故所至之地士民頗相信諒而邊關悍卒亦幸保無譁然當日餉匱難支其情亦岌岌矣若滇兵者本非朝廷豢養之卒又非滇省額設之兵萬里徵調而來實為忠義所感乃兵方入楚臣已北行在事者既使飢疲乏食洵脊多虞及今撫馭無方究竟如何收拾臣謹以當日徵調始末及此兵困苦情形據實指陳焉先是崇禎八年九月內臣

自鄖陽移撫全楚彼時豫寇正猖楚省陵藩有剝牀大患節奉增募戰兵一萬之旨何敢玩違顧楚人脆弱目不知兵於是議調於黔蜀滇南而軍旅大事無敢任者適原任高平知縣侯宏文先因監紀晉兵援楚臣見其膽氣可用畱之行間本官慷慨願行隨爲具疏題請該吏兵二部覆議加以南陽府推官職銜軍前監紀往滇募兵明旨炳然具在也臨行之日臣滴酒爲誓勗以大義本官無廩糧臣隨時分俸以贍之各兵無安犒宏文又自認設處以充之臣止措發餉金八千八百兩授之本官期以募兵三四千若沿途支用不足再爲接濟而

此八千八百兩之銀多半皆臣搜括設處非盡正餉也舊樞臣張鳳翼復因關寧薊密之師不便久於內地前後公移手劄促臣召募者不一而足至上年三四月內口信愈迫議撤邊兵於是廟堂之上省直之間若閩若黔若滇若蜀俱籌徵調且惟恐調之不來臣准部咨又飛促滇兵數次夫豈得已哉楚滇相去往還萬一千里而遙滇將龍在田龍爭先及許名臣等非土司卽加銜之弁流爾好義奉公捐貲赴調微臣若在豫楚當爲瀝血陳情請旨優異乃不意先期奉命倉卒北援旣經謝事量移勢難遙揣踰度其兵之騷擾與否不能問也其

餉之匱乏有無不敢知也惟日見豫楚當事諸臣有因滇兵騷擾論劾者有爲滇兵殺賊報功者有謂滇兵乏餉而事勢可憂者有代滇兵請糧而苦無款項者夫臣去婦不言井曰儘可局外相看但蒿目時艱於心何忍頻頻致札於豫楚諸臣早定滇兵額餉又嚴責侯宏文等務遵紀律剿寇圖功本年六月初一日據監紀推官侯宏文及滇將龍在田等稟爲孤忠未達遠戍無糧謹將調到兵馬齎措餉銀血戰功苦據實回報事內稱職等奉檄調募滇兵蒙本部院止發楚餉八千八百兩除先調黔省張平兵一千用銀一千五百兩外職宏文僅

明大司馬盧公奏議

卷七

五

齎銀七千三百兩至滇聘調土司將官龍在田等又蒙本部院移文雲南李按院轉行雲南布政司那借一萬兩原議募兵三千乃職在田等從公計議流賊動稱數十萬三千兵馬濟得何事情願捐貲報效通計買象買馬及製造衣甲器械并募集土司滇南義勇精銳八千三百有奇戰象四隻戰馬一千五百匹共費過十萬餘金職宏文亦破家料理費過二萬餘金且萬里征途間關歲月兵分三撥戴星驅馳及至楚省苦狀不堪職等止有一身尙存妻子未鬻耳頭撥兵九年八月抵荊州及遇大賊闖塌天八大王等攻掠荊州奮力驅除保全

荆屬二撥三撥於十月間陸續盡到追賊黃麻一帶連次建有微功又擒巨寇郭三海等掃除中原大患迄今兵無宿飽馬不停蹄坐餉未開行糧鮮給所過地方圖得一餐果腹乃在豫推楚在楚推豫從來有十月從征之兵止支三兩月之餉者乎烏合多兵爲數近萬朝不保暮何以自存職等百計調停幸免脫巾大禍反以騷擾見參自念破家徵調無非上爲朝廷今死於兵不若死於賊死於決裂之後不若死於困頓之時邊遠孤忠一字一血懇祈本部院轉言於豫楚各臺早爲定奪但使餉有歸依兵無潰決職等身家性命不足言矣等因

明大司馬盧公奏議

卷七

卒

具稟到臣該臣再四閱之不覺惻然心動悚然滋憂朝廷費無數金錢養兵任將平時有月餉廩糧遠調有安家犒賞更且米豆行鹽無不先期定給衣甲械馬一皆出自公家如此多方餼養體恤深恩偶煩庚癸之呼輒思曠目語難乃滇兵亦兵也滇將亦將也天末遠人破家爲國懷忠負義而來彼將何所爲也據宏文等冊報募兵以八千餘計戰象馬匹以一千五百餘計自滇至楚計程三月雖甚節省亦須安家行糧五萬餘金衣裝器械二萬餘金戰馬戰象價值三萬餘金卽此所費不下十萬而臣所給止七千三百兩也雲南布政司所給

止一萬兩也合之僅一萬七千餘兩此外入九萬兩豈其天兩地湧則宏文在田等變產捐貲之說夫豈虛言卽今予以厚餉優以級銜猶慮不足以鼓其心酬其伐而忍苦問關若此能免呼天向隅也哉宏文起家科目在田世襲土司雖遭逢不偶窘迫無聊自當至死不變如彼入千餘烏合之衆旣苦無以自存寧不鋌而走險同爲王臣誰非赤子願當局者慎思之明辨之也至於騷擾情形亦當虛公衡量夫人終日不食則飢三五日不食則死安有萬里征夫額餉全無著落行糧供應不時千萬成羣旦夕難保而不爲亂者年來西告搶掠東報譁逃朝聚同舟暮思摻刃此係滇兵否乎方今外口內寇廓清戡定無期措餉籌兵廟算殷憂未已若輕棄遠征之旅而重傷天下忠義之心臣不知其所終矣如謂剿寇不應用兵滇兵不應遠調則當處具疏調兵之人不當處破家應調之人臣願降級戴罪以贖宏文在田等不然身任封疆者雖欲以羣策羣力效忠朝廷將來一人不肯應一步不能行矣此豈一身一家之私事哉伏乞皇上敕下該部從長確議定奪施行

崇禎十年六月十六日

明大司馬盧公奏議

卷七

空



邊情疏

本年六月二十二日卯時准遼東巡撫方一藻塘報本月十四日據署寧前兵備道郎中鄭滂塘報准署都督同知管前鋒右營事吳三桂塘報云等因會報到臣該臣看得寧錦宣雲相去一千四五百里而剝膚大患彼此共之撫臣方一藻每得□中舉動呼吸相聞據報此番悉衆傾巢意圖大舉各邊屢奉明綸整戈秣厲在事文武諒無不稟稟承之者然在撫監鎮道諸臣皆有分信責成而微臣一身既須兼顧三鎮猶欲緊護南山今於本月二十七日親督步騎標兵激勵將士從新平

明大司馬盧公奏議

卷七

奎

新河膳房張家等口沿邊而東方圖戰守萬一遇□於邊外乘其未入口而擊挫之上也不然分頭並犯臣亦可專備宜東相機出奇權衡於緩急之間以圖一當若京川有警就近聽調馳援總皆便計相應具題伏惟聖明鑒察謹題

崇禎十年六月二十二日

請監軍監紀疏

謹照□情孔棘微臣標下戰兵七千并部署宣雲等鎮兵馬專待東援西剿但大兵一動如稽覈錢糧查驗功級撫摩兵丁必須得力道廳緊隨軍前以便責成分任督屬三鎮守巡兵備等道皆有要衝信地難以抽身如在本境尚可隨宜帶理一至應援出境則兼顧愈難查得陽和城東路同知鄭獨復歷俸最深明爽果毅軍民歸心焉論其操持才力綽乎堪任監司河南歸德府通判顏則孔勤敏幹辦志切請纓臣昔剿寇入援本官隨營監紀著有功能屢奉明旨優敘此二官者皆有用之

明大司馬盧公奏議

卷七

三

選也行間事冗必須一道一廳專爲料理若二者不可得兼或止用一道臣或止用一廳官勢不可少伏乞敕下吏兵二部從長酌議如應用監軍道臣則將鄭獨復量加監司職銜以便隨營援剿而以顏則孔補東路同知員缺如應用監紀廳官則將顏則孔陞授同知職銜檄至軍前專備緩急效用統候事平之日各予以相應實缺庶軍旅得人委任有賴也謹題

崇禎十年六月二十二日

題敘募練標兵官員疏

案照陽和標兵奉旨增練五千用資剿禦自本年正月議兵議餉節經戶兵兩部覆奉欽依臣督道將廳官早夜拮据於三月之杪四月之初卽陸續募完練有次第以至衣甲器械戰具軍容亦俱經理無缺前此屢疏題報矣夫衆至五千用土著則無壯丁可抽募客兵則多烏合可慮且查往例尙需安家犒賞而微臣未請分毫更苦往來驛騷而斯舉並無煩擾計期僅以三月課實堪稱一旅豈臣一手一足能之總爲詰戎大事特以忠義鼓人廣示招來嚴爲選汰取資羣力合併經營故未

明大司馬盧公奏議

卷七

齋

嘗輕費金錢虛糜歲月而勉竣厥事以報明綸此臣一字不敢欺飾者目今警報方殷秋防甚迫正秣馬厲兵之日尤課功覈罪之時從前效勞各官倘不一爲表白慮無以鼓旣往之人心示將來之激勸也臣於是矢公矢慎行該道廳查取各官職名而參以獨見獨知課其成績以文職言之某以武職言之某以上各官非係一營之傳宣卽係千人五百人之領袖皆能曉諭營伍凜奉規條各竭智能用心訓練又臣標下某或宣力軍前或典守錢穀均之效有微勞通計大小文武各官共五十三員均當一體紀錄者也又如節制前營左

部千總吉應龍節制後營右部後司把總曹世望亦臣  
受事後新經委用之官初見其騎射頗閑年力正壯是  
以用之乃二弁料理兵馬調停步曲全然不知仍當革  
任另委其各營千把總有以實授守備管事者有以加  
銜守備管事者就中歷任最久效力最多則首稱左營  
右部千總馬振麟右營右部後司把總常守泰今常守  
泰應加以實授守備調管前營左部千總事項補吉應  
龍員缺馬振麟應加實授守備仍管左營左部千總事  
臣於文武數十員之中止議量加此二員少示鼓勵其  
餘則止於乞恩紀錄此臣區區一念爲朝廷慎重名器

明大司馬盧公奏議

卷七

奎

也再照白安馮舉謀勇兼優昨歲應援京川血戰功苦  
人人知之因援兵騷擾各降三級戴罪管事彼時臣尙  
未督宣雲細查當日騷擾原無實蹟且勤王之師四集  
未辯騷擾的係何營今二將練兵勤劬功多於過相應  
開復以勵新猷若同知鄭獨復八載艱辛事事刻勵資  
深勞著爲路廳中第一謹查崇禎九年八月內該吏部  
議覆大同撫臣題爲遵旨據實回奏等事內云同知鄭  
獨復雖隨按臣出巡無有別項情節第員役索騙常例  
不能覺察則馭下不嚴之罪其何以自解亦應降二級  
照舊等因奉旨聶明楷竇可進鄭獨復著各降三級照

舊欽此乃竇可進聶明楷兩道臣以殺胡出口功次開復久矣同知鄭獨復亦在事宣勞之官偶爾遺敘大同總兵王樸屢爲詳請臣因事屬已往不應賡奏而置之今標營募練本官效力居多又如造營房製器具皆資其區畫又經另疏敘明則前降職級所當一併開復爲勞吏風者也統乞聖明敕下吏兵二部核議具覆庶激勸昭而人心爭奮矣謹題

崇禎十年六月二十六日

明大司馬盧公奏議

卷七

奏

再陳撫馭滇兵事宜疏

微臣於本年六月十八日恭具滇兵萬里應調一疏拜發後卽親提標旅略宣邊而東前疏尙未奉旨適從邸報中見禮科左給事中劉安行一本滇兵急宜安置等事奉旨據奏候宏文恣淫無忌久失軍心以致亂兵劫掠襄樊剝膚甚慘殊可痛恨著革了職該撫按嚴提究擬速奏新舊理臣務將滇兵處置得宜安插糧餉各有著落陳良訓候代出境不得輕卸疎誤該部知道欽此是滇兵缺餉堪虞聖明業已洞鑒責成處置安插計當事諸臣必深思而熟計之矣惟是土司龍在田等捐貲

明大司馬盧公奏議

卷七

奎

應募萬里間關此兵始末情形微臣前疏已悉近日在田又復具呈投控謂前後所費不下數十萬金臣疏止言八九萬者蓋約略計之耳今之人簞食豆羹見於面卽富如猗頓誰肯忘家爲國如在田輩者乎且在田天未遠人豈臣一紙檄文可致當日題奉明旨實慕朝廷之德意而來故不惜巨萬貲財召集征夫戰騎勿論其果能當賊會否奏功卽此一段忠丹便足令人心折年來大帥偏裨身荷國恩金玉橫腰綸函世及尙多剝軍自潤觀望苟全以視在田等今日何如微臣於此更不能不拊膺三歎也我皇上仁恩普被風勵臣民於官生

士庶之義助者有旌捐輸者有旌然多不過百千已爾至於數萬數十萬又且得之滇南土司而關係封疆軍旅之事使無特恩曠典顯示激揚則從此志士灰心良非細故若監紀推官侯宏文由乙榜起家先任高平知縣崇禎七年晉撫委監李卑曹變蛟等兵入楚初非無端自售但其意氣激昂不拘小節志大言大臣亦稔知特以行間用人原在因才器使彼全軀保妻子之臣若無當於緩急而後用及本官去其縣正之實缺予以府佐之虛銜經歲從戎並無廩糧胥役且費捐募多金若果自私自利計不出此矣但近來舉動不減情狀實難

明大司馬盧公奏議

卷七

矣

遙悉科臣劉安行非輕易論人者而微臣始終不忍不爲代請則以當日具題委用者實臣檄調將兵者亦臣致在田宏文輩破家而來不進不退不死不生者亦臣此輩當日未常負臣臣安得負此輩也即使宏文今日負臣臣亦終不可負宏文也蓋宏文負臣臣應受人不當之罪臣負宏文則凡兵凶戰危之事人方裹足不前從此愈以臣言爲寘矣至於負宏文而因以負滇之兵將使烏合無歸釀釁滋害遠人報效徒累身家海內懷忠貞義者必將動色相戒首鼠百端寇旦晚即平然且不可況兵事方殷疆場正當用武之日乎滇兵處

置之法臣有末議凡三一則厚撫該營將吏兵丁早爲定給糧餉月餉照省直主兵行糧照調援客兵給發以時申嚴紀律待新理臣之至鼓勵圖功猶愈於再費金錢另爲招募也二則簡其精強汰其疲弱覈其原來官目以定去畱回滇官兵每人量與路費一二兩仍給糧單計程計日於所過州縣關支其領兵各官量授職銜劉付併行彼處撫按給扁獎勵使得歸見父母妻孥而存畱剿賊者一照前款與之行糧月餉威惠並行庶幾去住皆有歸依著落三則各兵來路旣遙心多怏怏或慮畱之不便散之復難均當量給以路費併照現在官

明奇馬盧公奏議

卷七

充

兵馬驟頭匹填給糧單責成沿途守巡兵備道等官各於該管地方加意照管約束亦可了目前之事而免意外之虞非然者此七八千窮困之征夫鋌而走險適藉寇兵轉於溝中亦殘多命臣雖不殺滇兵滇兵由臣而死將向來爲國熱腸翻成塗炭生靈之孽案臣安得不爲此輩呼天而請命也他若龍在田侯宏文等自用過募兵銀兩及戰象馬驟器械等費雖爲數不貲初心本出於急公此日亦難於算補今惟雲南布政司所給之一萬併臣先發八千餘兩所當作正開銷者至在田等作何優異遣還侯宏文應否原情有罪是在聖明浩蕩



之洪恩臣愚更不勝叩頭陳乞矣謹題

崇禎十年十月初一日

明大司馬盧公奏議

卷七

辛



